

M501: Lilienfelder Andachtsbuch

- 0,1a Serpens decepit mulierem
 0,1 Frow Eua vnd Ada- d' wise .
 0,2 wonten vnlange in de- padyse .
 0,3 unz sie wrden an gelogen
 0,4 von dem tivuel . d' natern bosliche vnd mit vrazheit betrogen .
 0,5a Dixit d-ns . "vi es adam"
 0,5 Nu Ada- vn- Eua daz obz genoz
 0,6 si erchande- sich zehant we bloz .
 0,7 do was ovch got chom- dar .
 0,8 vn- wolt adames nem- war .
 0,9 do het er sich v'borge- .
 0,10 got sprach "wa bist du Ada- ich sten hie mit unsite- vn- in sorgen ."
 0,11a Expulsio ade de paradyso .
 0,11 Got treip sie beide fvr die tuer
 0,12 vn- sprach ze de- engel "stant d' fver .
 0,13 mit dine- sw't fivrin .
 0,14 vn- lazze ir niht wid' in .
 0,15 waz ob si liht ezzen
 0,16 des obzes da mit si des todes v'gezzen ."
 0,17a Abraham tres uidit et unu- adorauit
 0,17 Abraham durch chvele gesezzen was .
 0,18 vnd' die tur sines palas .
 0,19 er was in grozzen eren .
 0,20 sin vrevde wolt sich meren .
 0,21 dri iungelinge sach er da .
 0,22 den gienc er engege- vn- an bete den aeinen sa .
 0,23a Immolans abraham filium suu- Ysaac
 0,23 Got wolt v'suche- abrahame-
 0,24 an ysaac sinem same- .
 0,25 er gebot im sogetaniv werch .
 0,26 vn- zeigt im vf eine- b'ch
 0,27 ob er wold gotes wille- tvn .
 0,28 daz er . opfert im sine- svn .
 0,29 des was er got gihorsa- .
 0,30 d' vat' daz kint nam .
 0,31 vnd wold ez nv toeten
 0,32 do half im d' engel vo- noeten .
 0,33 vn- sprach "nin toete . daz kindelin .

- 0,34 svnd'lich hind' dir daz wid'lin ."
0,35a Rubum que- uid'at moyses
0,35 Moyses ein stueden brinnen sach .
0,36 an allen ir ungemach .
0,37 da bie erchenne maria- die reine- maeit .
0,38 div vor christes geburt vn- nach behielt wol ir . chivscheit .
0,39a Dedit dns lege- moysi in monte synai
0,39 Do ih-c cristus d' himelisch got .
0,40 moysi schreip div cehen gebot .
0,41 do gebot er iunge- vn- alten .
0,42 zwei dar vz svnd'lich behalten .
0,43 Daz si vo- gantcem hertcen minten ir schaepfaere .
0,44 vnd ein islich mensch sine- ebencristen getriv were .
0,45a Missus e- gabriel angls ad maria- uirgine-
0,45 Gehort ir ie vremder maere
0,46 danne dirre bot erbaere
0,47 chundet d' iunchfrowen .
0,48 daz d' heilige geist beschetwen si welle vn- betowen .
0,49 also daz si gebere
0,50 magt wesnde einen svn edel vnd her .
0,51a Salutatio s . Marie
0,51 Als disiv botschaft geschach
0,52 in eine- halbn iar dar nach .
0,53 sach Maria ir Niftel . Elizabete- .
0,54 wan sie cesamen gance libe heten .
0,55 dar vmb habent si sich vmbua-gen .
0,56 maria wart schon billich enpfange- .
0,57 ioh-es vrevt sich des in sin' Muet' wambe .
0,58 wa- ih-c was da . de- er dar nach p-diget vn- gelichet eine- lambe .
0,59a Natiuitas d-ni nostri ih-u xi
0,59 An d' schrift vinde ich fvr war .
0,60 daz anna dri thoter gebar .
0,61 die hiezzen Alle Marien .
0,62 vo- der ersten valsches vrien .
0,63 wart geboren ih-c x .
0,64 emanuel nobiscu- deus .
0,65a Pastores loqebantur ad inuicem
0,65 Ze betleem in de- lande
0,66 die vihirte pflage- an svnde vn- an schande .
0,67 des vihes vn- do si ware- an ir hute .
0,68 dar schein in ein engel h' vn- gute .
0,69 d' chvndet in liebiv maere .
0,70 also daz geboren ware .
0,71 got den ysaias nennet ein chint
0,72 er offent mit im fride alle- livte- di vf d' erde gytes willen sint .
0,73a Uenientes magi cu- mun'ibus
0,73 Bi chunige h'odes citen .
0,74 erschein ein stern witen .

- 0,75 da mit di chunge wrden gemant .
 0,76 daz geborn ware d' heilant .
 0,77 d' w' lde erloesere
 0,78 si taten im schone ere .
 0,79a Iussit herodes occidi pueros
 0,79 Herodes schvof totte- sint .
 0,80 vil manic hund't tusent chint .
 0,81 div vo- zwein iaren .
 0,82 noch sugten vn- niht entspent waren .
 0,83 er prveuet daz mort vn- ir sterben .
 0,84 dar vmbe daz er wolt ih-m v'derben .
 0,85a Ioseph et Maria obtulert ih-m in templum
 0,85 Dar nach warted got .
 0,86 ze de- te-pel braht als ez gebot .
 0,87 div e von sinem chunne .
 0,88 nv erchennet michel ere vn- wnne .
 0,89 div an gotes mvt' ist vnd was .
 0,90 als ich z an d' warheit las .
 0,91 si ist daz si was .
 0,92 vn- haeizzet des chindes palas .
 0,93 also daz d' mut' tuom .
 0,94 nin bechrenchet de- magtum .
 0,95 der christenglovbe vo- ir sagt .
 0,96 daz si ist mut' vn- magt .
 0,97 durch reinigunge gie si zu de- te-pel niht .
 0,98 als de- frowe- noch hivte geschit .
 0,99 si ist alles meines bar
 0,100 wa- ir lip was ie liut' rein vn- clar .
 0,101a Fugit ioseph cum ih-u & maria in egyptu- .
 0,101 Z einen citen do iosep slief .
 0,102 in de- slaffe d' gotesengel im rief .
 0,103 Er sprach "stant vf vnd nim daz chint zehant .
 0,104 dar zv sin muet' vnd vlvch in egyptelant .
 0,105 vnd wis da vnz ich dir sage"
 0,106 ez sprichet so d' wissage .
 0,107 "vliuch di iude- ze de- haeide- de- du bist unchunt ."
 0,108 In propria uen- et sui eu- no- recepunt .
 0,109a Inuenert parentes ih-u sedentem eu- in medio doctorum
 0,109 Nach d' gwonheit was ih-c chomen .
 0,110 Ze ierusalem- vnd sin vrvnt da hant v'nom- .
 0,111 vo- im vil d' wisheit .
 0,112 de- lerern het er fur geleit .
 0,113 d' heilige gaeist het in vo- himel gesant .
 0,114 er sold ovch tun got waren den menschen bechant .
 0,115a Uenit ih-c in iordanem ad ioh-m ut baptizaretur
 0,115 Den tovf ih-c an sich gena- .
 0,116 vo- dem vorlovfaere sant Johan .
 0,117 daz zeige- di zaeichen . vn- vrchuinde .

- 0,118 den tovf er vns heiliget daz er uns braehete vo- svende .
 0,119a Ductus e ih-c i- desertu- aspu- ut temptaretur . “dic ut lapides isti panes
 fiant”
 0,119 Zehant do got getovfet wart .
 0,120 ez wart niht lang’ gespart
 0,121 vom haeilige- gaeiste . wrde ih-c bracht
 0,122 in die waste d’ tieuel im da gedaht .
 0,123 daz er got wolt v’suchen an not .
 0,124 er sprach “bis du z d’ gotes svn . so sprich daz dise staein w’den brot .”
 0,125 got antwrte do .
 0,126 “niht v’suche dine- got vn- h’ren also .”
 0,127a Si filius dei es mitte te deorsum
 0,127 Dar nach in churtcer vrist .
 0,128 na- er unsern h’ren ih-m christ .
 0,129 in die heilige stat vn- wolde in v’suche- ze de- and’n mal .
 0,130 vf dem tempeldach “la dich hin ze tal .
 0,131 vn- tu dich da mit bechant .
 0,132 ob du z bist der haeilant .”
 0,133a Hec om-ia dabo tibi si occidens adoraueris me
 0,133 Ze dem driten male wolde niht erlan .
 0,134 got wolde v’suchen der Satan .
 0,135 vf eine- hohe- berge daz geschach .
 0,136 welt ir hore- wi er sprach
 0,137 “wil du an beten mich .
 0,138 die w’lde vn- ir ere gibe ich
 0,139 dir gewaltichlich alle .”
 0,140 dar nach chome- die engel mit schalle .
 0,141 vn- dienten got als billich was .
 0,142 vo- im must schaeide- Satanas .
 0,143a Videns ih-c turbas ascendit in montem
 0,143 Got sach Ze einen stvnden .
 0,144 ein volch er vn- sine ivng’ begvnden .
 0,145 ilen vof einen berch .
 0,146 er lert si begen heiligiv werch .
 0,147 doch ze iungest sprach er so .
 0,148 “saelich sint die dvrch den namen Alpha et O
 0,149 vngemach hie an ir libe lident .
 0,150 ir lon ist in dem himel groz da si allez vbel vermident .”
 0,151a Beati paupes sp-u . maledicti sp-c supbie
 0,151 Der helige ew-gsta wil .
 0,152 daz di dimutige- haben niht ze vil .
 0,153 vn- willeclie arme sin .
 0,154 dar vmb geb in daz himelric mi- traehtin .
 0,155 des sint die hofertige- v’zigen .
 0,156 in d’ helle geschit in ze ligen .
 0,157a beati qi lugent . maledicti qi gaudent i- rebus pessimis
 0,157 Got nennet der selicheit ein .
 0,158 daz d’ mensch sin svnde hie bewaeine .

- 0,159 swer truret wirt vo- got getrostet
0,160 di sich vreunt an boesen di-g von dem tivuel w'dent sie geroestet .
0,161a Beati qi esuriunt et siciunt iusticia- maledicti auari
0,161 Selich sint ovch die .
0,162 di sich lazzent dursten vn- hu-g'n hie
0,163 gernd sint rehticheit .
0,164 we de- argen die mit gierscheit .
0,165 sich also bede-chent .
0,166 daz ir sele in d' helle giel senchent .
0,167a Beati mites . maledicti i-patientia .
0,167 Ich han ovch daz gelesen .
0,168 daz die alle salic wesn .
0,169 die senftmutic sint .
0,170 v'fluchet sin ovch div chint .
0,171 die lebnt mit vngedulde
0,172 vn- v'trage-t dehein schulde .
0,173a Beati pacifici . maledicti discordes .
0,173 Welt ir nu wizzen me .
0,174 daz allen de- wol gesche .
0,175 die fridbaerich sint
0,176 sie heizzent vnsers herren kint .
0,177 di ab den vnfride vbent .
0,178 vnd die christenheit betrubent .
0,179 di lident angest vnd not .
0,180 vnd gent d' mit in den ewigen tot .
0,181a Beati misericordes . maledicti feroces
0,181 Eine saelicheit ich ev ne-nen sol .
0,182 div gevellet got vz d' mazze wol .
0,183 daz sint die barmh'tcen .
0,184 die d' armen gebresten vnd smertcen .
0,185 so si hung't gebent daz ezzen .
0,186 vn- da bi d' nachten nin welle-t v'gezzen .
0,187 di sich ovch vb' di arme-
0,188 niht welle-t erbarmen .
0,189 de- wil ich fvr war sage- .
0,190 daz si in d' helle werdent an barmunge begraben .
0,191a Beati mu-do corde . maledicti maliuoli
0,191 Der gut sant Math-s
0,192 schribet an sinem buche sus
0,193 daz got niemen mvge sehn .
0,194 niwan des h'tce ma- chu-ne gespehn .
0,195 mit reinicheit vn- mit tugende .
0,196 wa ist nu div iugende .
0,197 vn- auch ettewa die alte- .
0,198 di sich so habn behalte- .
0,199 daz si sich also tun welle-t reche- .
0,200 daz si ze de- bosiste- sprechent
0,201 [...] druche- .

- 0,202 vn- in ir dienst mit hind'rede ...uchen .
 0,203a Beati q̃i psecutione- patiuntur propt' iusticia- . maledicti psecutores .
 0,203 [...] [...]
- 0,204 [...] [...] div beste .
 0,205 ez ist sant peters [...] [...]
- 0,206 glovben
 0,207 wil man halt in [...] [...]
- 0,208 selicheit .
 0,209 daz in v'bernt [...] [...]
- 0,210 guet' livte ahtent hie .
 0,211a Nuptie facte sunt in chana galilee .
 0,211 Ein brotloff wart getan .
 0,212 Ze einen Ziten als vns schribet sande Johan .
 0,213 dar was gebeten Jefos vnde maria .
 0,214 di heiligen Zwelfpote waren mit im da .
 0,215 div frowe vnder den gesten .
 0,216 sach da den gebresten .
 0,217 daz si wines heten nime .
 0,218 ez geschach in chana galilee .
 0,219 daz erste Zeichen daz got ie getet .
 0,220 dvrch offenvnge sines namen vn- dvrch sin' mvter bet .
 0,221 Er machet wazzer ze win .
 0,222 vn- hiez schenchen dem herren Architriclin .
 0,223a De q̃inque panibus et duobus piscibus q̃omo ih-c q̃inque milia ho-m in
 deserto satiauit distribuens eis manibet suis
 0,223 Al die w'ldē sere wndert
 0,224 wi z got ih-c fuemzic hund't .
 0,225 mensch in ein' wueste spiset .
 0,226 vn- vo- zwein uihsche- ir sult sin bewiset .
 0,227 w' noch hivte dirre w'ldē ir narunge gebe .
 0,228 d' me da-ne hund't tusent ist vn- si hat in sin' pflēge .
 0,229 nuwa- got vo- himelriche .
 0,230 disiv wnd' sint einander al geliche .
 0,231a De muliere chananea que p filia sua a demonio uexata ih-m rogabat et
 sanitatem recepit .
 0,231 Do Marien chint chom gegān .
 0,232 ze sydon vn- tyro da begunde an .
 0,233 in glovben vnd beten ein heidnisch wip
 0,234 si sprach "erbarm dich vb' mich wan miner tohter lip
 0,235 ist besezzen mit dem boesem geiste .
 0,236 ich bit dich [...] [...] daz maeiste
 0,237 vrlivs min thot'" er sprach zeha-t zu ir
 0,238 "nach dinem gelovben geschehe dir"
 0,239a De muliere curua que sursu- aspice' n- ualens . a xp-o ih-u erigebatur
 0,239 Ez geschach an ein' stet .
 0,240 daz got ein groze zaeichen tet .
 0,241 an eine- armen wibe .
 0,242 di mit gesmogenem libe .

- 0,243 het gelebt manige cit .
 0,244 div was imm' mere gesunt . sit .
 0,245a De muliere fluxu- patiente sang-nis q- tetigit fimbriam d-ni et sanata est .
 0,245 Got volget . nach ein menie .
 0,246 ein vrowe was dar vnd' div wolt zeigen ir uenie .
 0,247 dar v-be wan sie het bevange- .
 0,248 siechtu- starch vnd lange- .
 0,249 de- ma- nennet daz blut .
 0,250 sie het uesten glovbe- vn- muot .
 0,251 swi si begrife sine- ma-del
 0,252 si wrde gesu-t an wandel .
 0,253 diz ovch geschach .
 0,254 wan got sin gnade ir gap . vn- veriach .
 0,255a De muliere adult'a qa iudei in templo accusabant ad ih-m et om-ibet egressis
 absoluit peccata
 0,255 Die Juden heten z aein male gedaht .
 0,256 v'steine- ein wip do wart si braht .
 0,257 ze got sie rieffe- alle sus .
 0,258 si het getan ein vb'huor di wile screip ih-c .
 0,259 an di erde- mit sine- ving' ein .
 0,260 d' an sunde sie d' w'fe an si de- stein .
 0,261a De muliere samaritana qe ydriam ad fontem portans ih-m sup' eum
 sedentem ueracit' cognouit .
 0,261 Der vrsprinc aller wonne
 0,262 qua- gesezzen vf eine- brvnne .
 0,263 vor muede . in tuvanc div me-scheit .
 0,264 ez was ein wip da beraeit .
 0,265 do bat im sa des wazzers gebn .
 0,266 daz gut er ir mit sogetane- wazzer gaebe daz ewige lebn .
 0,267a De surdo et muto quem sanauit d-ns
 0,267 Jesus aller gnade- vollecheit .
 0,268 machet eine- menschen bereit .
 0,269 d' was ein stumme vn- ein tore .
 0,270 nu bittet sundaere daz er vns mv-t vnd ore
 0,271 als gantzlich entsliezze
 0,272 daz sin heiligiv lere dar vf vn- in endechlich vliezze .
 0,273 Jesus vz ene- me-schen treip .
 0,274 ene- tivel d' was ein stumme vn- ie gern beleip .
 0,275 bie de- livten vn- noch gern belibet .
 0,276 di cit er mit in hin tribet .
 0,277 also daz er in v'sperret de- munt .
 0,278 so daz ir sunde den briestern niht wirt chunt .
 0,279a De ydropico quem p-sentibus iudeis in sabbo curauit
 0,279 Got chom gegangen .
 0,280 i- der ivden fvrsten hvs do het in erlangen .
 0,281 ein man der het die wazzersvht .
 0,282 er bat in im geben des gesvndes frvht .
 0,283 do sprach got vn- fraget die gelerten .

- 0,284 die geteilten an dem h'cen vn- vercherten .
 0,285 "ist ez vrloblich daz man an dem viertage mache gesvnt ."
 0,286 si swigen vn- taten im deheine rede dar vb' chvnt .
 0,287 iedoch heilet er den sichen ma- .
 0,288 mit sin' ha-t der schit frolich dan .
 0,289a Dē duobus cecis qī uenientes ad ih-m statim inluminabantur cum tetigisset
 oculos eorum
 0,289 Dvrch groziv wnder div geschahen .
 0,290 von Jesv do begvnden ovch gahen .
 0,291 Zwene blinden da si in vunden .
 0,292 si baten an den selben stvnden .
 0,293 dvrch sinen nam- gedriet .
 0,294 daz si von dem blintrich wrden gevriget .
 0,295a De ceco nato . cuius oculos ih-c liuit luto quem ex sputo eius in t'ra fecit .
 0,295 Ein kint daz sin mvoter blint gebar
 0,296 daz beleip da mit unz an daz iar
 0,297 daz got dvrch die svndare wolde
 0,298 me mangel liden als er solde
 0,299 die ivden eines tages in frageten
 0,300 wan si gen im oft . mvrmelten vn- vrageten .
 0,301 dvrch welch svnde er blinde waer geboren .
 0,302 got sprach senflich vn- an zorn .
 0,303 "er hat niht gesvndet dar vmbe ez si geschehen .
 0,304 daz er nv enbirt sines sehen .
 0,305 svnd'lich daz got dr vmbe werde geret .
 0,306 vn- siniv werch an im gemeret"
 0,307a De decem uiris leprosis qī uenientes ad ih-m omnes sanitatem recipientes .
 et unus cet'is abcedentibus pcidit ante pedes ih-u .
 0,307 Got quam gegangen in ein kastel .
 0,308 cehen vzsezzen liefen gein im die livte vn- hel .
 0,309 rifen gelich vz einem mvnde .
 0,310 "Ih-v ein gebiter erbarm dich vb' vns vn- mach vns gesvnde ."
 0,311 er sparch "get vn- zeigt ivch der phaffheit ."
 0,312 an dem gange wrden si gereinet von ir leit .
 0,313 do daz vnd' de cehen ein' gesach .
 0,314 daz sich div miselsvht an im brach .
 0,315 er cherte wider da er Jesum vant .
 0,316 vn- vil im ze fvze vmb sogetan gnade als er an in het gewant .
 0,317a De dormitione ih-u in nauī . qom eu- discipuli eius suscitarent cum nauicula
 opiretur fluctibet tempestate surgente
 0,317 Jesvs in ein schiffel gie .
 0,318 vn- ovch mit im als ich z weiz die
 0,319 sin ivnger hizzē .
 0,320 do si ovf z mer gestizen .
 0,321 von gotes gebot begvnde sich trvben .
 0,322 daz mer vn- die winde so stanche veben .
 0,323 daz daz schiffel mit wazzer was nahen bedaht .
 0,324 ez die zwelfbote nahen braht .

- 0,325 in groze vorhte vnz si vnd' andern dingen .
 0,326 "heil vn- h're" von vngewit' bitalle mvesen singen .
 0,327a De mortua puella que i- domo iacens mortua excitabatur a ih-u omnib
 expulsis p-t- patre- et matre- puelle discipulos ih-u
 0,327 Einem fvrsten sin toht' v'scheiden was .
 0,328 als ich z an der warheit las .
 0,329 dem mohte leides niht me gewerren .
 0,330 dar umbe qua- er ze vnserm herren .
 0,331 er sagt im sines iamers not
 0,332 vn- chlaget daz sin toht' ware tot .
 0,333 er getrowet im des daz er wolde geben .
 0,334 ob er s gervohte si het wid' daz leben .
 0,335 ir svlt wizen an d' selben stet
 0,336 gewert got des fvrsten bet .
 0,337a De mortuo que- quatuor uiri portau'unt . et ihu occurrente et tangente
 feretrum uiuus surrexit turbis aspicientib;
 0,337 Ez geschach daz got giench hin z Naym .
 0,338 mit im sin ivng' do braht man zvo im .
 0,339 einen toten der was vof gebaret .
 0,340 sin mvot' ez sere beswaret .
 0,341 div ein witewe was vn- het chinde ni me .
 0,342 si schrei vil ofte "owe"
 0,343 daz got sich mvste erbarmen .
 0,344 vb' die vorgeanten armen
 0,345 vn- erchvchet den ivngelich mit dem wort .
 0,346 "stande vof habe daz leben hie vn- dort ."
 0,347a De lazaro qem d-ns sororib; eius et iudeis uidentib; die qarta de monumento
 suscitauit .
 0,347 Den dritten toten den got hiez vof sten .
 0,348 der was brvder sande Marien magdalenen .
 0,349 der was begraben vnz an den vierden tach .
 0,350 vnd toter in dem grabe lach .
 0,351 do got im wolde wid' geben .
 0,352 dvrch bitten sin' swest' dizze leben .
 0,353 er erchvcht in mit micheler arbeit .
 0,354 vor den ivden des was im sin vat' von himel bereit .
 0,355a Maria que unxit pedes d-ni ih-u
 0,355 Jesus in eines fvrsten hvos qam .
 0,356 dvrch siechen do daz vernam .
 0,357 Maria sande marien swest' .
 0,358 dvrch ir sihtvem so wart ie vester
 0,359 wie gerne . si daz getranch d' bvze wolde niezen
 0,360 si chom ze dem arzat Jesv vn- lie fliezen .
 0,361 die Zaeher von ir ovgen .
 0,362 dar mit si gert stillen vn- betovben .
 0,363 gotes zorn vnt sinen wernden slach .
 0,364 vn- den sichtvm der ir an der selen lach .
 0,365a Venit ih-c hierosolima- sedens i- asina

- 0,365 An dem palmemtage daz geschach .
0,366 do man got vof dem esel riten sach .
0,367 div chint do waren im mit dinsten snel .
0,368 si sprachen “daz ist der ivden chvnnch von Israhel .”
0,369 si
0,370 [...] [...]
0,371 [...] [...]
0,372 [...] [...]
0,373a De cena d-ni .
0,373 Got mit sinen ivngern az .
0,374 als man beget an dem antlaz .
0,375 er sprach “mich verratet vnd’ iv einer hintnaht”
0,376 do wart vnd’ en ein michel gebracht .
0,377 do sprach ir all’ iglich
0,378 “ob got wil meister daz n bin ich .”
0,379 do sprach ez ivdas
0,380 der vntriwen vol was .
0,381 “bin ich z doch niht herro”
0,382 ia fraget in sande Johannes do .
0,383 “meister welhel sol ez vnder vns sin”
0,384 do sprach vnser trehtin .
0,385 “dem ich gib daz gedvnnchet brot .”
0,386 Jvdas er ez do bot
0,387a De pditione iude
0,387 Vbel schvof Jvdas sinen h’ren dinch .
0,388 Ze sinen mortgesellen er giench .
0,389 er gab in vmbe drizech phenninge .
0,390 daz was ein mortlich gedinge .
0,391 vmb einen herren also lobsam .
0,392 daz er doch vmb in niht mere nam .
0,393a Qomo lauit ih-c pedes disciplorum
0,393 Ez sprach ih-c “entwahe ich dir .”
0,394 Ze sande pet’ “dv ne hast anders dehein teil bi mir”
0,395 pet’ der sprach do
0,396 Ze vnsern herren also
0,397 “daz waere mir ein michel vneheil .
0,398 solt ich nimmer deheinen teil
0,399 nie gewinnen mit dir
0,400 entriwen lieber Crist min e wir
0,401 vns scheiden mvzen
0,402 daz du mir Zv den fvzen
0,403 twahest hovbet vnd hende
0,404 des [...] [...] ende”
0,405a De oratione d-ni in monte oliueti
0,405 Mit sinen ivngern chert er do dan .
0,406 Ze Olivet vvol als verre daz ein man .
0,407 moht gewerfen mit einem steine .
0,408 da bette er wande ez was her vn- reine .

0,409 er sprach "vat' sie ez mvglich .
0,410 des ich dich bitte so gewer mich .
0,411 so erla mich dirre martir groz ."
0,412 der sweiz von im an die erde floz .
0,413 der was als ein blvot so rot .
0,414 groz was . sines hercen not
0,415 Crist sprach "nv geschehe der wille din
0,416 vat' von himel vn- niht der min"
0,417a De traditione ih-u et osculo iude
0,417 Jvdas sprach "den ich da chvsse daz ist .
0,418 min meist' ih-c xpc .
0,419 fvrt in gewerlich
0,420 so tvot ir wislich ."
0,421 do sprach vnser Jvdas zv .
0,422 "Jvdas wie nv .
0,423 mit disem chvsse v'choffes tv der magd svn .
0,424 dv ne wil niht wol so mvoz ich selben tvon ."
0,425 si griffen vngezogenchlichen an .
0,426 sande pet' schire gewan .
0,427 genendechlich ein swert .
0,428 sines herre- viande het er gern gewert .
0,429 er slvoch des bischolfes chneht .
0,430 ab ein ore niht daz lenche svnd' daz reht .
0,431a Quomo co-p'henderunt iudei ih-m
0,431 Ez giengen gen dem heilande .
0,432 die gotes viande .
0,433 mit swerten vn- mit kolben
0,434 si waren im erbolgen .
0,435 christ sprach "wen svechet ir hie ."
0,436 "wir svchen den heilant" sprachen sie .
0,437 "Jesum Nazarenv ."
0,438 do sprach got "Ego sum"
0,439 iesa wart er gefangen .
0,440 do was sinen ivngern vil leide ergangen .
0,441a De petri negatione contra ancillam
0,441 Ez was bi den selben Ziten chalt
0,442 of de- hove was fiwer dar stunt manch helt ivnch vn- alt .
0,443 pet' giench ovch dar zvo stan
0,444 [...] [...] rvofen an
0,445 "wie der si solich dv bist"
0,446 [...] [...]
0,447 [...] [...] mit dem trvgenere .
0,448 div rede was im swaere .
0,449 peter sprach "ich en weiz wer er ist .
0,450 den ir da heizet crist ."
0,451 Zehant chom ein and' dr in gegan .
0,452 div begynde in an rvfen san
0,453 "dv bist ovch der ein .

- 0,454 mit Jesv nazareno" do sprach er "nein"
 0,455a De ductione ligatis manib; ih-u ad p-side- & de suspensione Jude
 0,455 Des andern morgs vil vrov
 0,456 die ivden gingen im aber Zv .
 0,457 vn- stiezen in harte sere .
 0,458 fvr pilaten den rihtaere .
 0,459 pylatus der sprach do
 0,460 zv den ivden also
 0,461 "braht habt ir mir fvr einen schvldigen man
 0,462 sagt waz hat er getan .
 0,463 ich chan an im nih erchiesen .
 0,464 war vmb er z leben svl v'lisen ."
 0,465a De spinea corona qua- capiti eius imposuert circu-dantes eum clamide
 coccineo .
 0,465 Ir habt wol vernomen
 0,466 daz Jesvs von Galilea was bechomen
 0,467 voz [...] [...] Herodes
 0,468 der flizech was sines todes
 0,469 [...] [...] wider [...] [...]
 0,470 dvrch vientschaft die z [...] [...] ir vbel mvt
 0,471 [...] [...] do hiez er in chleiden in ein wiz gewant
 0,472 vn- sande in wid' do man pilaten de- graven vant .
 0,473 da wart er gehonet .
 0,474 vn- mit einer dorninen chrone gechronet
 0,475a Et expuentes i- eu- colaphis eu- ceciderunt & cu- uirgis flagellabant eum .
 0,475 Zehant si niht leng' biten .
 0,476 vnd' div ovgen si im spiten .
 0,477 daz [...] [...] in vaste zv der svle bvnden .
 0,478 vn- ze den selben stvnden .
 0,479 vil halslege si im gaben .
 0,480 vn- begvnden in fragen .
 0,481 wer in ze dem oren slvoch .
 0,482 daz er senftlich v'trvch .
 0,483 wan er der wid' nie niht sprach .
 0,484 wed' "och we" noch "ach ."
 0,485 An einer stat wol Caluarie genant .
 0,486 an daz chrivze bi henden vnd fvzen ma- in bant .
 0,487 daz ez sin mvter an sach .
 0,488 getrivlich er zve sprach .
 0,489 "frowe la dir Johannes an chindes stat enpholhen sin .
 0,490 Johannes an den selben triwen enphilhe ich dir die mvter' min ."
 0,491 do stvnt div maget here .
 0,492 mitsamt dem ivng' in grozem sere .
 0,493 "svn Jesv genade sag ich dir .
 0,494 des dv hast begangen mit mir ."
 0,495a Hic Joseph ab arimathia tulit corpus ih-u de cruce et posuit illud in
 monumento suo nouo
 0,495 Josef was gotes ivng' dar zv ein edel man .

- 0,496 fvr pilaten chom er ze d' selben stunt gegan .
 0,497 vn- bat in als sin herze gert .
 0,498 des wart ovch sa die bete gewert .
 0,499 zehant er ab dem chrivze nam
 0,500 den heiligen gotes lichnam
 0,501 er in mit edel tvchern bewant
 0,502 vn- bestatet in ze sinem grabe da nie dehein tot wart bechant
 0,503a In t'cia die resurrexit dominus a mortuis de sepulchro . et quomo sunt
 pt'riti custodes .
 0,503 An dem dritten tage erstuont got niht eine .
 0,504 vo- dem tode sunderlich manich todes gebeine
 0,505 mit im als dvi schrift giht .
 0,506 e vor erchant ein groz geriht
 0,507 vb' die des grabes pflagen .
 0,508 von eines engels slage erchomen s daz fuor tot lagen
 0,509a Uenerunt duo discipuli ad sepulchru- d-ni
 0,509 [...] [...] an zwiuel deheine .
 0,510 got sant Marien Magdalenen erst erschein
 0,511 nach siner vrstende
 0,512 "ze mine- iungern ich dich sende"
 0,513 si sagete in daz mere
 0,514 daz christ erstande- were .
 0,515 ez was peter vn- Johannes
 0,516 do chome- gelufen [...] [...]
 0,517 [...] [...] ende
 0,518 [...] [...] sende
 0,519a Cognouerunt d-nm duo discipuli i- fractione panis in castello emmaus
 0,519 An dem selben tage wart got ein
 0,520 daz er sich gesellte zv sinen iungern zwein
 0,521 do sie giengen gen dem Castel Emmaus
 0,522 si [...] [...] in da be [...] [...] mit [...] [...]
 0,523 daz ez ih-c ware des chvndens niht wol versten [...] [...]
 0,524 [...] [...] er iach daz er vurbaz wolde gen .
 0,525 doch [...] [...] mit in
 0,526 er entsloz in ob de- tisce den sin
 0,527 do er daz brot [...] [...] brach vn- ir z
 0,528 [...] [...] zehant wrde- si gewar
 0,529 daz ez Jesus were
 0,530 ir maister vnd ir herre
 0,531a Stetit ih-c i- medio discipulorum i- ierlm et optulerunt ei partem piscis assi
 et fauum mellis
 0,531 Dar nah chom vn- traecht in .
 0,532 ze ierusalem- da iung' sin .
 0,533 in enem huse beslozze-
 0,534 waren er sprach ze sine- schiltgenozzen
 0,535 pax uob- ze dem andern male .
 0,536 sehet ir wi getan quale .
 0,537 durch di w'ldē ha- geliten

- 0,538 lip hende vvezze sint mir v'sniten .
 0,539a Quomodo ostendit ih-c thome manus et latus in te-plo ianuis clausis
 0,539 Do got sine- iung'n erscheine- was .
 0,540 dan was niht gewesen sant Thomas
 0,541 der begunde zwiueln sere
 0,542 an sine- maeist' here
 0,543 vn- iach er n sehe die wnden mit sinen ovgen .
 0,544 vn- griffe s so n wold er s niht gelovben
 0,545 im got daz noch zaeigete .
 0,546 vn- sich barmhercelich gen im naeigete .
 0,547a Manifestavit se ih-c ad mare tyb'iadis discipulis piscantibus
 0,547 Z em vierden male des sit gewis .
 0,548 irschaein got bi de- mere tib'iadis .
 0,549 da si furen viscen
 0,550 si mochte- ir niht erwische- .
 0,551 vnz sich got in geoffenot
 0,552 daz netze er sie sezen bot .
 0,553 zeswenhalben in z wazzer in
 0,554 so viengen si wol der vischelin
 0,555a Apparuit ih-c xi . disciplis suis i- monte galilee dicens "euntes in mundu-
 uniu'sum"
 0,555 Z em fvemften male ih-c qua- .
 0,556 ze sine- einleuen in galileam .
 0,557 [...] [...] in d' heilant
 0,558 e vor het gemant
 0,559 er sprah "die [...] [...] svlt ir chunt tun
 0,560 in de- name- des vater vnd svn
 0,561 da zv des heiligen geistes predigen sult ir min lere .
 0,562 mit [...]ivben[...] ich [...] [...] ere"
 0,563a Ascensio d-ni ad celos de monte oliueti uidentibus discipulis
 0,563 Wizzet waz ich ev sage .
 0,564 nach siner vrstende an de- vierzuchesten tage .
 0,565 ze siner iung' gesichte .
 0,566 ze himel uuor er gerihte .
 0,567 des wrde- sie trurich vn- vnvro .
 0,568 der herre het vor gesprochen so .
 0,569 "en ware ich niht
 0,570 so v'lieset ir micheln zuoversiht"
 0,571a Aduentus sp-c s-ci sup' discipulos in ierl-m in linguis igneis de celo
 0,571 An dem zehente- tage dar nach .
 0,572 d' heilige gaeiste die aeinleue versach
 0,573 mit liht' gabe manchualte .
 0,574 er gab in den gwalte .
 0,575 daz si [...] [...] ir lieben holden
 0,576 [...] [...] he [...] [...] div si wolden [...] [...] vn-
 0,577 [...] [...] tivel vn- sichtu- .
 0,578 daz chom d' w'lde sit ze vrum